

kei roto ia ia te purapura o te kahi e takoko ana, ka waitohu taua "titiro." Eotoru aua "titiro" Anei ratou: (1) "Von Pirquet," (2) "Calmette," (3) "Moro." Kua whakamatauria te "Von Pirquet," me te "Moro" ki Niu Tireni nei. I te tau 1913-1914 ka "tirohia" nga tamariki pakeha e 383 o Niu Tireni e nga tohunga o te Tari o te Ora ki te "Von Piquet." E 93 o aua tamariki he kakano mate kahi i roto. Ko te ahua ia o aua tamariki i mua atu o te "tirohanga" he ora katoa. I mua tata atu i te tau 1927 ka "tirohia" e tahi o nga tamariki kura o Poneke, me Canterbury e Dr Mary Champtaloup o te Tari o te Ora ki te "Moro." O nga tamariki kura o Canterbury i tirohia," 17 i roto i te rau tamariki he kakano kahi i roto. O nga tamariki kura o Poneke i "tirohia," 10 i roto i te rau he kakano kahi i roto. I te Porowini o Poneke ka "tirohia" etahi tamariki Maori. E 25 i roto i te 100 tamariki Maori he kakano kahi i roto. I te "tirohanga" i nga tamariki Maori o nga tau pakeke katoa, ka kitea, e 50 i roto i te 100 tamariki he kakano kahi i roto. Eki ana a Dr. Elaine Gurr, takuta o nga kura Poari o Haki Pei, kanui nga tamariki Maori kei roto i ana kura e tiro-tiro nei he kakano kahi kei roto. I patai au kia Lambert, kai tiro-tiro a te Tari o te ora kei te Tai Rawhiti mehemea pewhea te ahua o te kahi ki tona takiwa. Ko tona whakahoki kia au, ka nui. I tata ki te 50 nga whanau kua ata tangohia e au o ratou whakapapa kahi, mai i nga tipuna, ki nga matua, ki nga tamariki, me nga mokopuna kanui nga mea kahi e whakaputa ana i tena whakatupuranga, i tena whakatupuranga. Mehe mea e "tirohia" ana ki te "Moro" tera e kitea he kakano kahi kei roto i a katoa.

O nga tangata i Nui Tireni e tapatapahia ana (Post Mortem) kia kitea te putake o nga mate, e 28 i roto i te 100 i kitea he nawe mate kahi i tetahi wahi o te tinana ahakoa he mate ke noa atu nana i patu.

Ka kite tatou i konei: *Tuatahi*: he mate whanui te kahi i wh nui noa atu i ta tatou e mohio nei.

*Tuarua*: Ora tonu ai te kahi: Ina hoki i kitea ai nga nawe i runga i nga tupapaku a etahi atu mate: Tuatoru: Kei te rere te kakano kahi i nga wahi katoa.

Na R. Korteweg o Amsterdam enei korero i kapea mai i roto i te "Tubercle" Nupepa o Mei, 1928.

1. Hunga rawakore: Ka pohara ano te ahua o nga marae me nga whare. He nui te mate kahi.

2. Ka pai nga whare, me nga marae, ka paeratia te miraka, ka iti ano te mate kahi.

(Taria te Roanga.)

---

Mo te mare o te Tamariki whangaia ki WOODS' GREAT PEPPERMINT CURE.